

Сборник
Молитвослов с тропарями
и кондаками святым.
Дивен Бог во святых Своих
Серия «Никейский свод»

http://www.litres.ru/pages/biblio_book/?art=36620275
ISBN 978-5-91761-876-0

Аннотация

Молитвослов содержит утреннее и вечернее молитвенное правило, три канона, последование ко святому причащению, Часы Святой Пасхи, а также тропари и кондаки святым и иконам Божией Матери (и алфавитные указатели к ним).

Содержание

Молитвы утренние	5
Молитвы на сон грядущим	20
Канон покаянный ко Господу нашему Иисусу Христу	36
Конец ознакомительного фрагмента.	41

Дивен Бог во святых Своих

© ООО ТД «Никея», 2018

*** * ***

Молитвы утренние

Встав от сна, прежде всякого другого дела, стань благоговейно, представляя себя пред Всевидящим Богом, и, совершая крестное знамение, произнеси:

Во имя Отца, и Сына, и Святаго Духа. Аминь.

Затем немного подожди, пока все чувства твои не придут в тишину и мысли твои не оставят все земное, и тогда произноси следующие молитвы без поспешности и со вниманием сердечным:

Молитва мытаря

Бже, милостив буди мне грешному. (Поклон)

Молитва предначинательная

Господи Иисусе Христе, Сыне Божий, молих ради Пречистой Твоей Матере и всех святых, помилуй нас. Аминь.

Слава Тебе, Бже наш, слава Тебе.

Молитва Святому Духу

Царю Небесный, Утешителю, Душе истины, Иже везде

сый и вся исполняяй, Сокрѡвище благѣх и жѣзни Подателю, прииди и вселися в ны, и очисти ны от всякия скверны, и спаси, Блаже, души наша.

[От Пасхи до Вознесения вместо этой молитвы читается тропарь:

Христос воскрес из мертвых, смертию смерть поправ, и сущим во гробех живот даровав. *(Трижды)*

От Вознесения до Троицы начинаем молитвы со «Святый Боже...», опуская все предшествующие.

Это замечание относится и к молитвам на сон грядущим.]

Трисвятое

Святый Боже, Святый Крепкий, Святый Безсмертный, помилуй нас.

Читается трижды, с крестным знаменем и поясным поклоном.

Слава Отцу и Сыну и Святому Духу, и ныне и присно и во веки веков. Аминь.

Молитва ко Пресвятой Троице

Пресвятая Троице, помилуй нас; Господи, очисти грехи наша; Владыко, прости беззакония наша; Святый, посети и

исцели́ нѣмоши на́ша, и́мене Твоего́ ра́ди.

Го́споди, поми́луй. (*Трижды*) *Слава, и ныне.*

Молитва Господня

Отче наш, Иже еси́ на Небесѣх! Да святѣтся и́мя Твое́, да приидет Цѣ́рствие Твое́, да бу́дет во́ля Твоя́, я́ко на Небесѣ́, и на землѣ́. Хлеб наш насущный даждь нам днесь; и остави́ нам до́лги на́ша, я́коже и мы оставля́ем должнико́м на́шим; и не введи́ нас во искуше́ние, но изба́ви нас от лука́ваго.

Тропари Троичные

Воста́вше от сна, припа́даем Ти, Бла́же, и а́нгельскую песнь вопи́ем Ти, Си́льне: Свят, Свят, Свят еси́, Бо́же, Богоро́дицею поми́луй нас.

Слава: От одра́ и сна воздви́гл мя еси́, Го́споди, ум мой просвети́ и се́рдце, и устне́ мой отве́рзи, во е́же пе́ти Тя, Свята́я Трои́це: Свят, Свят, Свят еси́, Бо́же, Богоро́дицею поми́луй нас.

И ныне: Внеза́пно Судия́ приидет, и коего́ждо дея́ния обнажа́тся, но стра́хом зове́м в полу́нощи: Свят, Свят, Свят еси́, Бо́же, Богоро́дицею поми́луй нас.

Го́споди, поми́луй. (*12 раз*)

Молитва ко Пресвятой Троице

От сна воста́в, благодарю́ Тя, Свята́я Троице, я́ко мно́гия ра́ди Твоея́ бла́гости и долготерпе́ния не прогна́вался еси́ на мя, лени́ваго и грешна́го, ниже́ погуби́л мя еси́ со беззако́ньми мои́ми; но человеколю́бствовал еси́ обы́чно и в неча́янии лежа́щаго воздвигл мя еси́, во е́же у́треневати и славосло́вити держа́ву Твою́. И ны́не просвети́ мои́ о́чи мы́сленныя, отве́рзи моя́ уста́ поуча́тися словесе́м Твои́м, и разуме́ти за́поведи Твоя́, и твори́ти во́лю Твою́, и пе́ти Тя во испове́дании серде́чном, и воспева́ти всесвятое́ и́мя Твое́, Отца́ и Сы́на и Свята́го Ду́ха, ны́не и при́сно и во ве́ки веко́в. Ами́нь.

Прииди́те, поклони́мся Царе́ви на́шему Бо́гу. *(Поклон)*

Прииди́те, поклони́мся и припаде́м Христу́, Царе́ви на́шему Бо́гу. *(Поклон)*

Прииди́те, поклони́мся и припаде́м Самому́ Христу́, Царе́ви и Бо́гу на́шему. *(Поклон)*

Псалом 50

Поми́луй мя, Бо́же, по вели́цей ми́лости Твое́й, и по мно́жеству щедро́т Твоих очисти́ беззако́ние моё. Наипа́че омый́ мя от беззако́ния моего́, и от греха́ моего́ очисти́ мя; я́ко беззако́ние моё аз зна́ю, и грех мой пре́до мно́ю есть

выну. Тебѣ единому согрѣшихъ и лукавое предъ Тобѣю сотвори-
хъ; яко да оправдишися во словесѣхъ Твоихъ, и победиши
всегда судити Ти. Се бо, в беззаконіихъ зачатъ есмь, и во грѣ-
сѣхъ роди мя мати моя. Се бо, истину возлюбилъ еси; безвѣст-
ная и тайная премудрости Твоея явилъ ми еси. Окропиши
меня иссопомъ, и очищуся; омыеши мя, и паче снѣга убелюся.
Слуху моему даши радость и веселіе; возрадуются кости
смирѣнныя. Отврати лице Твое от грѣхъ моихъ и вся безза-
конія моя очисти. Сердце чисто созижди во мнѣ, Боже, и духъ
правъ обновѣ во утробѣ моеѣ. Не отвержи мене отъ лица Тво-
его и Духа Твоего Святаго не отыми отъ мене. Воздаждь ми
радость спасѣнія Твоего и Духомъ Владычнимъ утверди мя.
Научу беззаконныя путемъ Твоимъ, и нечестивіи къ Тебѣ обра-
тятся. Избави мя отъ кровей, Боже, Боже спасѣнія моего; воз-
радуется языкъ мой правдѣ Твоеѣ. Господи, устне мои отвер-
зеши, и уста моя возвестятъ хвалу Твою. Яко аще бы восхо-
телъ еси жертвы, далъ быхъ убо: всесожже́нія не благоволиши.
Жертва Богу духъ сокрушенъ; сердце сокрушено и смиренно
Богъ не уничижитъ. Ублажи, Господи, благоволеніемъ

Твоимъ Сиона, и да созиждутся стѣны Иерусалимскія. То-
гда благоволиши жертву правды, возношеніе и всесожегае-
мая; тогда возложатъ на олтарь Твой тельцы.

Символъ веры

¹Вѣрую во единого Бога Отца, Вседержителя, Творца Небу

и земли, видимым же всем и невидимым.² И во единого Господа Иисуса Христа, Сына Божия, Единородного, Иже от Отца рожденного прежде всех век; Света от Света, Бога истинна от Бога истинна, рождена, несотворенна, единосущна Отцу, Имже вся быша.³ Нас ради человек и нашего ради спасения сшедшаго с небес и воплотившагося от Духа Свята и Марии Девы, и вочеловечшася.⁴ Распятого же за ны при Понтийстем Пилате, и страдавша, и погребенна.

⁵И воскресшаго в третий день по Писанием.⁶ И возшедшаго на небеса, и седяща одесную Отца.

⁷И паки грядущаго со славою судити живым и мертвым, Егже Царствию не будет конца.⁸ И в Духа Святаго, Господа, Животворящаго, Иже от Отца исходящаго, Иже со Отцем и Сыном спокланяема и славима, глаголавшаго пророки.⁹ Во едину Святую, Соборную и Апостольскую Церковь.¹⁰ Исповедую едино крещение во оставление грехов.¹¹ Чаю воскресения мертвых,¹² и жизни будущего века. Аминь.

Молитва 1-я, святого Макария Великого

Боже, очисти мя грешнаго, яко николиже сотворих благое пред Тобою; но избави мя от лукаваго, и да будет во мне воля Твоя, да неосужденно отверзу уста моя недостойная и восхвалю имя Твое святое, Отца и Сына и Святаго Духа, ныне

и присно и во веки веков. Аминь.

Молитва 2-я, того же святого

От сна воста́в, полунощную песнь приношу́ Ти, Спа́се, и припада́я вопию́ Ти: не даждь ми усну́ти во грехо́вней сме́рти, но ущедри мя, распный́ся во́лею, и лежа́щаго мя в ле́ности ускори́в возста́ви, и спаси́ мя в предстоя́нии и моли́тве, и по сне но́щнем возсия́й ми день безгре́шен, Христе́ Бо́же, и спаси́ мя.

Молитва 3-я, того же святого

К Тебе́, Влады́ко Человеколю́бче, от сна воста́в прибега́ю, и на дела́ Твоя́ подвиза́юся милосе́рдием Твои́м, и молю́ся Тебе́: помози́ ми на всякое вре́мя, во всякой ве́щи, и изба́ви мя от всякия́ мирския́ злы́я ве́щи и диа́вольскаго поспеш́ения, и спаси́ мя, и введи́ в Ца́рство Твое́ ве́чное. Ты бо еси́ мой Сотвори́тель и вся́кому бла́гу Промы́сленник и Пода́тель, о Тебе́ же все упова́ние мое́, и Тебе́ сла́ву возсыла́ю, ны́не и присно и во веки веков. Аминь.

Молитва 4-я, того же святого

Господи, Иже мно́гою Твое́ю бла́гостию и вели́кими щед-

ро́тами Твоими дал еси́ мне, рабу́ Твоему́, мимоше́дшее
вре́мя но́щи сея́ без напа́сти прейти́ от всякаго зла противна;
Ты Сам, Влады́ко, всяческих Творче, сподо́би мя и́стинным
Твои́м све́том и просвеще́нным се́рдцем твори́ти волю́ Твою́,
ны́не и при́сно и во ве́ки веко́в. Ами́нь.

Молитва 5-я, св. Василия Великого

Го́споди Вседержи́телю, Бо́же сил и вся́кия плóти, в вы́ш-
них живы́й и на смире́нныя призира́яй, се́рдца же и утробы́
испыту́яй и сокрове́нная челове́ков я́ве предвѣды́й, Безна-
ча́льный и Присносу́щный Све́те, у Него́ же несть премене́-
ние, или́ преложе́ния осенение; Сам, Безсме́ртный Царю́,
приими́ моле́ния на́ша, я́же в настоя́щее вре́мя, на мно́же-
ство Твои́х щедро́т дерза́юще, от скве́рных к Тебе́ усте́н тво-
ри́м, и оста́ви нам прегреше́ния на́ша, я́же де́лом, и сло́вом,
и мы́слию, ве́дением, или́ неве́дением согреше́нная на́ми;
и очисти ны́ от вся́кия скве́рны плóти и ду́ха. И да́руй нам
бо́дренным се́рдцем и трѣзвенною мы́слию всю́ настоя́щаго
жити́я но́щь прейти́, ожида́ющим пришѣ́ствия све́тлаго и яв-
ле́ннаго дне Единоро́днаго Твоего́ Сы́на, Го́спода и Бо́га и
Спа́са на́шего Иису́са Христа́, в о́ньже со сла́вою Судия́ всех
приидет, кому́ждо отда́ти по делóм его́; да не па́дше и обле-
ни́вшися, но бо́дрствующе и воздви́жени в де́лание обря́щем-
ся гото́ви, в ра́дость и Божѣ́ственный черто́г сла́вы Его́ сов-
ни́дем, иде́же пра́зднующих глас непреста́нный, и неизре-

чѣнная сладость зрящих Твоего лица добрѣту неизреченную. Ты бо еси истинный Свет, просвещаяй и освящаяй всяческая, и Тя поетъ вся тварь во веки вековъ. Аминь.

Молитва 6-я, того же святого

Тя благословимъ, вышній Бѣже и Господи милости, творящаго присно с нами великая же и неизследованная, славленная же и ужасная, ихже несть числа, подавшаго нам сон во упокоение немощи наша, и ослабление трудов многотрудных плоти. Благодаримъ Тя, яко не погубил еси нас со беззаконными нашими, но человеколюбствовал еси обычно, и в нечаянии лежащая ны воздвигл еси, во еже славословити державу Твою. Темже молимъ безмерную Твою благодать, просвети наша мысли, очеса, и ум наш от тяжкаго сна лениности возстави: отверзи наша уста, и исполни я Твоего хваления, яко да возможем непоколеблемо пети же и исповедатися Тебѣ, во всех, и от всех славимому Богу, Безначальному Отцу, со Единородным Твоимъ Сыномъ, и Всесвятымъ и Благимъ и Животворящим Твоимъ Духомъ, ныне и присно, и во веки вековъ. Аминь.

Молитва 7-я, ко Пресвятой Богородице

Воспеваю благодать Твою, Владычице, молю Тя, ум мой

облагодати. Ступати право мя настави, путём Христовых заповедей. Бдети к песни укрепи, уныния сон отгоняючи. Связана пленницами грехопадений, мольбами Твоими разреши, Богоневесто. В нощи мя и во дни сохраняй, борющихся враг избавляючи мя. Жизнодателя Бога рождающая, умерщвлена мя страстьми оживи. Яже Свет невечерний рождающая, душу мою ослепшую просвети. О дивная Владычня палато, дом Духа Божественна мене сотвори. Врача рождающая, врачуй души моея многолетних страсти. Волнующаяся житейскою бурей, ко стези мя покаяния направи. Избави мя огня вечнующаго, и червья же злаго, и тартара. Да мя не явиши бесом радование, иже многим грехом повинника. Нова сотвори мя, обетшавшаго нечувственными, Пренепорочная, согрешении. Странна муки всякия покажи мя, и всех Владыку умоли. Небесная ми улучшить веселия, со всеми святыми, сподоби. Пресвятая Дево, услыши глас непотребнаго раба Твоего. Струю давай мне слезам, Пречистая, души моея скверну очищаючи. Стенания от сердца приношу Ти непрестанно, усердствуй, Владычице. Молбную службу мою прими, и Богу благоутробному принеси. Превышшая Ангел, мирскаго мя превышша слития сотвори. Светоносная Сене небесная, духовную благодать во мне направи. Руце воздею и устне к похвалению, осквернены скверною, Всенепорочная. Душетленных мя пакостей избави, Христа прилежно умоляючи; Ему же честь и поклонение подобает, ныне и присно, и во веки веков. Аминь.

Молитва 8-я, Господу нашему Иисусу Христу

Многoмилостиве и Всемилостиве Бóже мой, Гóсподи Иисýсе Христé, мнóгия рáди любвé сшел и воплотíлся еси́, я́ко да спасéши всех. И пáки, Спáсе, спаси́ мя по благодáти, молю́ Тя; áще бо от дел спасéши мя, нéсть се благодáть и дар, но долг пáче. Ей, мнóгий в щедрóтах и неизречéнный в милости! Вéруйяй бо в Мя, рекл еси́, о Христé мой, жив бóдет и не úзрит смéрти во вéки. Аще úбо вéра, я́же в Тя, спасаёт отчáянные, се вéрую, спаси́ мя, я́ко Бог мой еси́ Ты и Создáтель. Вéра же вмéсто дел да вменíтся мне, Бóже мой, не обрящеши бо дел отню́д оправдáющих мя. Но та вéра моя́ да довлéет вмéсто всех, тá да отвещáет, тá да оправдít мя, тá да пока́жет мя причáстника слáвы Твоея́ вéчныя. Да не úбо похитит мя сатанá, и похвáлится, Слóве, éже отторгнyти мя от Твоея́ руки́ и оградy; но или́ хощú, спаси́ мя, или́ не хощú, Христé Спáсе мой, предвари́ скóро, скóро, погибóх: Ты бо еси́ Бог мой от чрéва мáтере моея́. Сподóби мя, Гóсподи, ны́не возлюбити́ Тя, я́коже возлюбíх иногдá той сáмый грех; и пáки порабóтати Тебé без лéности тóщно, я́коже порабóтах прéжде сатанé льстíвому. Наипáче же порабóтаю Тебé, Гóсподу и Бóгу моему́ Иисýсу Христý, во вся дни животá моего́, ны́не и прíсно и во вéки векóв. Амíнь.

Молитва 9-я, к Ангелу хранителю

Святы́й Ангеле, предстоя́й окая́нной моёй души́ и стра́стной моёй жи́зни, не оста́ви мене́ грёшнаго, ниже́ отступи́ от мене́ за невоздержáние моё. Не даждь мёста лука́вому дёмону облада́ти мно́ю, насильством смёртнаго сего́ телесе́; укрепи́ бёдствующую и худую́ мою́ ру́ку и наста́ви мя на путь спасёния. Ей, святы́й Ангеле Божий, хранителю́ и покровителю́ окая́нныя моея́ души́ и тёла, вся мне прости́, ели́кими ты оскорби́х во вся дни животá моего́, и áще что согреших в прешедшую ночь сию́, покрый́ мя в настоя́щий день, и сохрани́ мя от всякаго искуше́ния противнаго, да ни в коём гресе́ прогне́ваю Бо́га, и моли́ся за мя ко Го́споду, да утверди́т мя в стра́се Своём, и досто́йна покажет мя раба́ Своея́ бла́гости. Ами́нь.

Молитва 10-я, ко Пресвятой Богородице

Пресвята́я Влады́чице моя́ Богоро́дице, святы́ми Твоими́ и всеси́льными мольба́ми отжени́ от мене́ смире́ннаго и ока́ннаго раба́ Твоего́ уны́ние, забвёние, неразу́мие, нераде́ние, и вся скверна́я, лука́вая и ху́льная помышлёния от ока́ннаго моего́ се́рдца и от помраче́ннаго ума́ моего́; и погаси́ пла́мень страсте́й моих, яко́ нищ есмь и ока́нен. И изба́ви мя от

многих и любтых воспоминаний и предприятий, и от всех действий злых свободи мя. Яко благословена еси от всех родов, и славится пречестное имя Твое во веки веков. Аминь.

Молитвенное призывание святого, имя которого носишь

Моли Бога о мне, святыи угодниче Божий (*имя*), яко аз усердно к тебе прибегаю, скорому помощнику и молитвеннику о душе моей.

Песнь Пресвятой Богородице

Богородице Дево, радуйся, Благодатная Марие, Господь с Тобою; благословенна Ты в женах и благословен плод чрева Твоего, яко Спаса родила еси душ наших.

Тропарь Кресту и молитва за Отечество

Спаси, Господи, люди Твоя, и благослови достояние Твое, победы православным христианом на сопротивныя даруя, и Твое сохраняя Крестом Твоим жительство.

Молитва о живых

Спаси, Господи, и помилуй отца моего духовнаго (*имя*), родителей моих (*имена*), сродников (*имена*), начальников, наставников, благодетелей (*имена их*) и всех православных христиан.

Молитва о усопших

Упокой, Господи, души усопших раб Твоих: родителей моих, сродников, благодетелей (*имена их*) и всех православных христиан, и прости им вся согрешения вольная и невольная, и даруй им Царствие Небесное.

Окончание молитв

Досто́йно естъ яко воистину блажи́ти Тя Богоро́дицу, Присноблаже́нную и Пренепоро́чную и Ма́терь Бо́га на́шего. Честне́йшую Херувим и сла́внейшую без сравне́ния Серафим, без ислéния Бо́га Сло́ва ро́ждшую, су́щую Богоро́дицу Тя велича́ем.

[От Пасхи до Вознесения вместо этой молитвы читается припев и ирмос 9-й песни пасхального канона:

Ангел вопияше Благодатней: Чистая Дево, радуйся! И

па́ки реку́: ра́дуйся! Твой Сын воскресе́ тридне́вен от гроба́ и ме́ртвыя воздв́игнувый; лю́дие, весели́тесь!

Свети́ся, свети́ся, но́вый Иерусали́ме, сла́ва бо Госпо́дня на тебѣ́ возсия́. Лику́й ны́не и весели́ся, Сио́не. Ты же, Чи́стая, красуй́ся, Богоро́дице, о воста́нии Рожде́ства Твоего́.

Это замечание относится и к молитвам на сон грядущим.]

Слава, и ныне: Го́споди, поми́луй. (*Трижды*) Го́споди Иису́се Христе́, Сы́не Бо́жий, моли́тв ра́ди Пречи́стыя Твоея́ Ма́тере, преподо́бных и богоно́сных оте́ц на́ших и всех святы́х поми́луй нас. Ами́нь.

Молитвы на сон грядущим

Во имя Отца и Сына и Святаго Духа. Аминь.

Господи Иисусе Христе, Сыне Божий, молитв ради Пречистой Твоея Матере, преподобных и богоносных отцов наших и всех святых, помилуй нас. Аминь.

Слава Тебе, Боже наш, слава Тебе.

Царю Небесный, Утешителю, Душе истины, иже везде сый и вся исполняяй, Сокровище благих и жизни Подателю, прииди и вселися в ны, и очисти ны от всякия скверны, и спаси, Блаже, души наша.

Святый Боже, Святый Крепкий, Святый Безсмертный, помилуй нас. *(Трижды)*

Слава Отцу и Сыну и Святому Духу, и ныне и присно и во веки веков. Аминь.

Пресвятая Троице, помилуй нас; Господи, очисти грехи наша, Владыко, прости беззакония наша; Святый, посети и исцели немощи наша, имене Твоего ради.

Господи, помилуй. *(Трижды)* Слава, и ныне: Отче наш, Иже еси на Небесех! Да святится имя Твое, да придет Царствие Твое, да будет воля Твоя, яко на Небеси, и на земли. Хлеб наш насущный даждь нам днесь; и остави нам долги наша, якоже и мы оставляем должником нашим; и не введи нас во искушение, но избави нас от лукаваго.

Тропари

Помілуй нас, Гóсподи, помілуй нас; всякаго бо отвѣта недоумѣюще, сию Ти молитву яко Владыце грѣшнии приносим: помілуй нас.

Слава: Гóсподи, помілуй нас, на Тя бо уповахом; не прогневайся на ны зело, ниже помяни беззаконий наших, но призри и ныне яко благоутробен, и избави ны от враг наших; Ты бо еси Бог наш, и мы людие Твои, вси дела руку Твоею, и имя Твое призываем.

И ныне: Милосердия двери отверзи нам, благословенная Богородице, надеющися на Тя да не погибнем, но да избавимся Тобою от бед: Ты бо еси спасение рода христианскаго.

Гóсподи, помілуй. (*12 раз*)

Молитва 1-я, святого Макария Великого, к Богу Отцу

Бóже вечный и Царю всякаго создания, сподобивый мя даже в час сей dospети, прости ми грехи, яже сотвориx в сей день делом, словом и помышлением, и очисти, Гóсподи, смиренную мою душу от всякия скверны плоти и духа. И даждь ми, Гóсподи, в нощи сей сон прейти в мире, да востав от сми-

рѣннаго ми лѡжа, благоугождѹ пресвятѡму и́мени Твоему́, во вся дни живота́ моего́, и поперѹ борѹщая мя врагѣ плотскія и безплѡтныя. И избави мя, Гѡсподи, от помышлѣний сѹетных, оскверняющих мя, и похотей лукавых. Яко Твое́ есть царство и сила и слава, Отца́ и Сына и Свята́го Дѹха, ны́не и прѣсно и во вѣки веко́в. Ами́нь.

Молитва 2-я, святого Антиоха, ко Господу нашему Иисусу Христу

Вседержителю, Слово Отчее, Сам совершен сый, Иисусе Христе́, мно́гаго ра́ди милосѣрдия Твоего́ никогда́же отлучайся мене́, раба́ Твоего́, но всегда́ во мне почивай. Иисусе, добрый Па́стырю Твои́х овец, не преда́ждь мене́ крамоле́ змиине, и желанію сатанину́ не оста́ви мене́, яко се́мя тли во мне есть. Ты у́бо, Гѡсподи Бѡже покланя́емый, Царю́ Святы́й, Иисусе Христе́, спяща́ мя сохрани́ немерца́ющим свѣтом, Дѹхом Твои́м Святы́м, Имже освяти́л еси́ Твоя́ ученики́. Дажь, Гѡсподи, и мне, недостѡйному рабу́ Твоему́, спасѣние Твое́ на лѡжи моѣм: просвети́ ум мой свѣтом ра́зума свята́го Евáнгелия Твоего́, дѹшу любвию́ Креста́ Твоего́, се́рдце чистото́ю словесе́ Твоего́, тѣло моѣ́ Твоею́ стра́стию безстра́стною, мысль мою́ Твои́м смире́нием сохрани́, и воздвигни́ мя во вре́мя подобно́ на Твое́ славослѡвие. Яко пре-просла́влен еси́ со Безнача́льным Твои́м Отце́м и с Пресвяты́м Дѹхом во вѣки. Ами́нь.

Молитва 3-я, ко Пресвятому Духу

Господи, Царю Небесный, Утешителю, Душе истины, милосердися и помилуй мя грешнаго раба Твоего, и отпусти ми недостойному, и прости вся, елика Ти согреших днесь яко человек, паче же и не яко человек, но и горее скота, больная моя грехи и невольная, ведомая и неведомая: яже от юности и от науки злы, и яже суть от наглства и уныния. Аще именем Твоим кляхся, или похулих е в помышлении моем; или кого укорих; или оклеветал кого гневом моим, или печалих, или о чем прогневахся; или солгал, или безгодно спал, или нищ прииде ко мне, и презрел его; или брата моего печалих, или свадих, или кого осудих; или развеличахся, или разгордехся, или разгневахся; или стоящу ми на молитве, ум мой о лукавствии мира сего подвижеся, или возвращение помыслих; или объядохся, или опихся, или без ума смеяхся; или лукавое помыслих, или доброту чуждую виде, и тою уязвлен бых сердцем; или неподобная глаголах, или греху брата моего посмеяхся, моя же суть безчисленная согрешения; или о молитве нерадих, или ино что содеях лукавое, не помню, та бо вся и больша сих содеях. Помилуй мя, Творче мой Владыко, унылаго и недостойнаго раба Твоего, и остави ми, и отпусти, и прости мя, яко Благ и Человеколюбец, да с миром лягу, усну и почию, блудный, грешный и окаянный аз, и поклонюся, и воспую, и прослаблю пречест-

ное имя Твое, со Отцем, и Единородным Его Сыном, ныне и присно и во веки. Аминь.

Молитва 4-я, святого Макария Великого

Что Ты принесу или что Ты воздам, великодаровитый Безсмертный Царю, щедре и человеколюбче Господи, яко ленящаяся мене на Твое угодение, и ничтоже благо сотворша, привел еси на конец мимошедшаго дне сего, обращение и спасение души моей строя? Милостив ми буди грешному и обнаженному всякаго дела блага, возстави падшую мою душу, осквернившуюся в безмерных согрешениях, и отыми от мене весь помысл лукавый видимаго сего жития. Прости моя согрешения, единые Безгрешне, яже Ты согреших в сей день, ведением и неведением, словом, и делом, и помышлением, и всеми моими чувствами. Ты Сам, покрывая, сохрани мя от всякаго сопротивнаго обстояния Божественною Твоею властью, и неизреченным человеколюбием, и силою. Очисти, Боже, очисти множество грехов моих. Благоволи, Господи, избавити мя от сети лукаваго, и спаси страстную мою душу, и осени мя светом лица Твоего, егда приидеши во славе, и неосужденна ныне сном уснути сотвори, и без мечтания, и несмущен помысл раба Твоего соблюди, и всю сатанину детель отжени от мене, и просвети ми разумныя очи сердечныя, да не усну в смерть. И послѣ ми Ангела мирна, хранителя и наставника души и телу моему, да избавит

мя от враг моих; да востав со одра моего, принесу Ти благодарственные мольбы. Ей, Господи, услыши мя грешнаго и убогаго раба Твоего, изволением и совестью; даруй ми воставшу словесем Твоим поучитися, и уныние бесовское далече от мене отгнано быти сотвори Твоими Ангелы; да благословлю имя Твое святое, и прославлю, и славлю Пречистую Богородицу Марию, Юже дал еси нам грешным заступление, и прими Сию молящуюся за ны; вем бо, яко подражает Твое человеколюбие, и молящися не престаёт. Той заступлением, и Честнаго Креста знамением, и всех святых Твоих ради, убогую душу мою соблюди, Иисусе Христе Боже наш, яко Свят еси, и препрославлен во веки. Аминь.

Молитва 5-я

Господи Боже наш, еже согреших во дни сем словом, делом и помышлением, яко Благ и Человеколюбец прости ми. Мирен сон и безмятежен даруй ми. Ангела Твоего хранителя послй, покрывающа и соблюдающа мя от всякаго зла, яко Ты еси хранитель душам и телесем нашим, и Тебе славу возсылаем, Отцу и Сыну и Святому Духу, ныне и присно и во веки веков. Аминь.

Молитва 6-я

Господи Боже наш, в Негоже веровахом, и Егоже имя паче всякаго имени призываем, даждь нам, ко сну отходящим, ослабу души и телу, и соблюди нас от всякаго мечтания, и темныя сласти кроме; устави стремление страстей, угаси разжжения востания телеснаго. Даждь нам целомудренне пожити дела и словесы; да добродетельное жителство восприемлюще, обетованных не отпадём благих Твоих, яко благословен еси во веки. Аминь.

Молитва 7-я, святого Иоанна Златоуста

(24 молитвы, по числу часов дня и ночи)

¹Господи, не лиши мене небесных Твоих благ.²Господи, избави мя вечных мук.³Господи, умом ли или помышлением, словом или делом согреших, прости мя.⁴Господи, избави мя всякаго неведения и забвения, и малодушия, и окамененнаго нечувствия.⁵Господи, избави мя от всякаго искушения.⁶Господи, просвети мое сердце, еже помрачи лукавое похотение.

⁷Господи, аз яко человек согреших, Ты же, яко Бог щедр, помилуй мя, видя немощь души моя.

⁸Господи, послѣй благодать Твою в помощь мне, да прославлю имя Твое святое. ⁹Господи Иисусе Христе, напиши мя раба Твоего в книзе животней и даруй ми конец благий. ¹⁰Господи Боже мой, аще и ничтоже благо сотворих пред Тобою, но даждь ми по благодати Твоей положити начало благое. ¹¹Господи, окропи в сердце моем росу благодати Твоея. ¹²Господи небесѣ и земли, помяни мя грешнаго раба Твоего, студнаго и нечистаго, во Царствии Твоем. Амѣнь.

¹Господи, в покаянии приими мя. ²Господи, не остави мене. ³Господи, не введи мене в напасть. ⁴Господи, даждь ми мысль благу. ⁵Господи, даждь ми слезы, и память смертную, и умиление. ⁶Господи, даждь ми помысл исповѣдания грехов моих. ⁷Господи, даждь ми смирение, целомудрие и послушание. ⁸Господи, даждь ми терпение, великодушье и кротость.

⁹Господи, всели в мя корень благих, страх Твой в сердце мое. ¹⁰Господи, сподоби мя любить Тя от всея души моея, и помышления и творити во всем волю Твою. ¹¹Господи, покрый мя от человек некоторых, и бесов, и страстей, и от всякия инья неподобныя вещи. ¹²Господи, веши, яко твориши, якоже Ты волиши, да будет воля Твоя и во мне грешнем, яко благословен еси во веки. Амѣнь.

Молитва 8-я, ко Господу нашему Иисусу Христу

Господи Иисусе Христе, Сыне Божий, ради честнейшия Матере Твоея, и безплотных Твоих Ангел, Пророка же и Предтечи и Крестителя Твоего, богоглаголивых же апостол, светлых и добропобедных мученик, преподобных и богоносных отец, и всех святых молитвами, избави мя настоящего обстояния бесовскаго. Ей, Господи мой и Творче, не хотяй смерти грешнаго, но якоже обратитися и живу быти ему, даждь и мне обращение окаянному и недостойному; изми мя от уст пагубнаго змия, зияющаго пожрети мя и свести во ад жива. Ей, Господи мой, утешение мое, Иже мене ради окаяннаго в тленную плоть оболкйся, исторгни мя от окаяинства, и утешение подаждь души моей окаянной. Всади в сердце мое творити Твоя повеления, и оставити лукавая деяния, и получиши блаженства Твоя: на Тя бо, Господи, уповах, спаси мя.

Молитва 9-я, ко Пресвятой Богородице, святого Петра Студийского

К Тебе Пречистой Божией Матери аз окаянный припадая молюся: веси, Царице, яко безпрестани согрешаю и прогневляю Сына Твоего и Бога моего, и многажды аще каюся, лож

пред Бѳгом обретаюся, и каюся трепеща: не ужели Господь поразит мя, и по часе паки таяжде творю; ведущи сия, Владычице моя Госпоже Богородице, молю, да помилуеши, да укрепиши, и благая творити да подаси ми. Веси бо, Владычице моя Богородице, яко отнюд имам в ненависти злая моя дела, и всею мыслию люблю закон Бѳга моего; но не вем, Госпоже Пречистая, откуда яже ненавижду, та и люблю, а благая преступаю. Не попускай, Пречистая, воли моей совершатися, не угодна бо есть, но да будет воля Сына Твоего и Бѳга моего: да мя спасет, и вразумит, и подаст благодать Святаго Духа, да бых аз отселе престал сквернодейства, и прочее пожил бых в повелении Сына Твоего, Емуже подобает всякая слава, честь и держава, со Безначальным Его Отцем, и Пресвятым и Благим и Животворящим Его Духом, ныне и присно и во веки веков. Аминь.

Молитва 10-я, ко Пресвятой Богородице

Благого Царя благая Мати, Пречистая и Благословенная Богородице Марие, милость Сына Твоего и Бѳга нашего излей на страстную мою душу и Твоими молитвами настави мя на деяния благая, да прочее время живота моего без порока преиду и Тобю рай да обрящу, Богородице Дево, едина Чистая и Благословенная.

Молитва 11-я, ко святому Ангелу хранителю

Ангеле Христовъ, хранителю мой святыи и покровителю души и тела моего, вся ми прости, елика согреших во днешний день, и от всякаго лукавствия противнаго ми врага избави мя, да ни в коемже гресе прогневаю Бога моего; но моли за мя грешнаго и недостойнаго раба, яко да достойна мя покажеша благодати и милости Всесвятыя Троицы и Матере Господа моего Иисуса Христа и всех святых. Аминь.

Кондак Богородице

Взбранной Воеводе победительная, яко избавльшися от злых, благодарственная восписуем Ти раби Твои, Богородице, но яко имущая державу непобедимую, от всяких нас бед свободи, да зовем Ти: радуйся, Невесто Неневестная.

Преславная Приснодево, Мати Христа Бога, принеси нашу молитву Сыну Твоему и Богу нашему, да спасет Тобою души наша.

Все упование мое на Тя возлагаю, Мати Божия, сохрани мя под кровом Твоим.

Богородице Дево, не презри мене грешнаго, требующа Твоея помощи и Твоего заступления, на Тя бо упова душа моя, и помилуй мя.

Молитва святого Иоанникия

Упование мое Отец, прибежище мое Сын, покров мой Дух Святы́й: Троице Свята́я, слава Тебе́.

Досто́йно есть яко воистину блажити Тя Богоро́дицу, Присноблаже́нную и Пренепоро́чную и Ма́терь Бо́га на́шего. Честне́йшую Херувим и сла́внейшую без сравне́ния Серафим, без ислéния Бо́га Сло́ва ро́ждшую, су́щую Богоро́дицу Тя велича́ем.

Слава, и ныне: Гóсподи, помилуй. (Трижды)

Гóсподи Иисúсе Христé, Сы́не Бóжий, моли́тв ра́ди Пре́чи́стия Твоея́ Ма́тере, преподо́бных и богоно́сных оте́ц на́ших и всех святы́х, помилуй нас. Ами́нь.

Молитва святого Иоанна Дамаскина, которую, указывая на постель твою, говори:

Влады́ко Человеколю́бче, не ужéли мне одр сей гроб бу́дет, или́ ещé окаянную мою́ ду́шу просвети́ши днем? Се ми гроб предлежи́т, се ми смерть предстои́т. Судá Твоего́, Гóсподи, бою́ся и му́ки безконéчныя, зло́е же творя́ не prestaю́: Тебе́ Гóспода Бо́га моего́ всегда́ прогневля́ю, и Пре́чи́стую Твою́ Ма́терь, и вся Небе́сныя Си́лы, и свята́го Ангела храните́ля моего́. Вем у́бо, Гóсподи, яко́ недостóин есмь

человеколюбія Твоего, но достоин есмь всякаго осужденія и мѹки. Но, Господи, или хошѹ, или не хошѹ, спаси мя. Аще бо праведника спасеши, ничтоже велие; и аще чистаго помилуеши, ничтоже дивно: достойни бо суть милости Твоя. Но на мне грешнем удиви милость Твою: о сем яви человеколюбие Твое, да не одолеет моя злоба Твоей неизглаголанней благости и милосердию: и якоже хощеши, устрой о мне вещь.

И хотя лечь на постель, говори сие:

Просвети очи мой, Христѹ Божѹ, да не когда усну в смерть, да не когда речет враг мой: укрепихся на него.

Слава: Заступник души моея буди, Божѹ, яко посреде хождѹ сетей многих; избави мя от них и спаси мя, Блаже, яко Человеколюбец.

И ныне: Преславную Божию Матерь, и святых Ангел Святѣйшую, немолчно воспойм сердцем и усты, Богородицу сию исповедающе, яко воистину рождшую нам Бога воплощенна, и молящуюся непрестанно о душах наших.

Также целуй крест твой, и знаменуй крестом место твое от головы до ног, также и со всех сторон, и говори молитву Честному Кресту:

Да воскреснет Бог, и расточатся врази Его, и да бежат от лица Его ненавидящи Его. Яко исчезает дым, да исчезнут; яко тает воск от лица огня, тако да погибнут беси от лица любящих Бога и знаменующихся крестным знаменем, и в веселии глаголющих: радуйся, Пречестный и Живо-

творящий Кресте Господень, прогоняяй бѣсы силою на тебе пропятаго Господа нашего Иисуса Христа, во ад сшедшаго и поправшаго силу диаволу, и даровавшаго нам тебе Крест Свой Честный на прогнание всякаго супостата. О Пречестный и Животворящий Кресте Господень! Помогай ми со Святою Госпожею Девотою Богородицею и со всеми святыми во веки. Аминь.

Или кратко:

Огради мя, Господи, силою Честнаго и Животворящаго Твоего Креста, и сохрани мя от всякаго зла.

Также, вместо прощения:

Ослаби, остави, прости, Боже, прегрешения наша, вольная и невольная, яже в слове и в деле, яже в ведении и не в ведении, яже во дни и в ночи, яже во уме и в помышлении: вся нам прости, яко Благ и Человеколюбец.

Молитва

Ненавидящих и обидящих нас прости, Господи Человеколюбче. Благотворящим благосотвори. Братиям и сродником нашим даруй яже ко спасению прошения и жизнь вечную. В немощех сущия посети и исцеление даруй. Иже на мори управи. Путешествующим спутешествуй. Служащим и милующим нас грехов оставление даруй. Заповедавших нам недостойным молиться о них помилуй по велицей Твоей милости. Помяни, Господи, прежде усопших отец и братьев

наших и упокой их, идеже присещает свет лица Твоего. Помяни, Господи, братьий наших плененных и избави я от всякаго обстояния. Помяни, Господи, плодоносящих и доброделающих во святых Твоих церквах, и даждь им яже ко спасению прошения и жизнь вечную. Помяни, Господи, и нас, смиренных и грешных и недостойных раб Твоих, и просвети наш ум светом разума Твоего, и настави нас на стезю заповедей Твоих, молитвами Пречистой Владычицы нашей Богородицы и Приснодевы Марии и всех Твоих святых: яко благословен еси во веки веков. Аминь.

Исповедание грехов повседневное

Исповедую Тебе Господу Богу моему и Творцу, во Святей Троице Единому, славному и покланяемому, Отцу и Сыну и Святому Духу, вся моя грехи, яже содеях во вся дни живота моего, и на всякий час, и в настоящее время, и в прешедшия дни и нощи, делом, словом, помышлением, объядением, пьянством, тайноядением, празднословием, унынием, леностию, прекословием, непослушанием, оклеветанием, осуждением, небрежением, самолюбием, многостязанием, хищением, неправдоглаголанием, скверноприбытчеством, мшелоимством, ревнованием, завистию, гневом, памятозлбием, ненавистию, лихоимством и всеми моими чувствами: зрением, слухом, обонянием, вкусом, осязанием и прочими моими грехи, душевными вкупе и телес-

ными, и́миже Тебѣ Бѳга моего́ и Творца́ прогнѣвах, и ближ-
няго моего́ онеправдовах: о сих жалѣя, винна себѣ Тебѣ Бѳгу
моему́ представляю, и имѣю волю ка́яться: то́чию, Гѳсподи
Бѳже мой, помози́ ми, со слеза́ми смире́нно молю́ Тя: пре-
ше́дшая же согрѣше́ния моя́ милосѣрдием Твои́м прости́ ми,
и разреши́ от всех сих, я́же изглаго́лах пред Тобо́ю, я́ко Благ
и Человеколюбец.

Когда отходишь ко сну, произноси:

В рѹце Твой, Гѳсподи Иису́се Христе́, Бѳже мой, предаю́
дух мой: Ты же мя благослови́, Ты мя поми́луй и живо́т ве́ч-
ный да́руй ми. Ами́нь.

Глас 6. Песнь 1

*Яко по сѹху пешешествовав Изра́иль, по бѣздне стопáми,
гонителя́ фара́она ви́дя потопля́ема, Бѳгу побѣдную́ песнь
пойм, вопия́ше.*

Поми́луй мя, Бѳже, поми́луй мя.

Ны́не приступи́х аз грѣшный и обременѣ́нный к Тебѣ, Вла-
ды́це и Бѳгу моему́; не сме́ю же

Канон покаянный ко Господу нашему Иисусу Христу

взира́ти на не́бо, то́кмо молю́ся, глаго́ля: даждь ми, Го́споди, ум, да пла́чуся дел мо́их го́рько.

О, го́ре мне грѣшному! Па́че всех челове́к ока́янен есмь, покая́ния несть во мне; даждь ми, Го́споди, слѣзы, да пла́чуся дел мо́их го́рько.

Слава: Безу́мне, ока́янне челове́че, в ле́ности вре́мя губи́ши; помы́сли жити́е твоѐ, и обрати́ся ко Го́споду Бо́гу, и пла́чися о дѣлех тво́их го́рько.

И ныне: Ма́ти Бо́жия Пречи́стая, воззри́ на мя грѣшнаго, и от се́ти диа́воли изба́ви мя, и на путь покая́ния наста́ви мя, да пла́чуся дел мо́их го́рько.

Песнь 3

*Несть свят, якоже Ты, Го́споди Бо́же мой, вознесый рог
ве́рных Тво́их, Бла́же, и утверди́вший нас на ка́мени испове́да-
ния Твоего́.*

Внегда́ поста́влены бу́дут престόли на Суди́щи Стра́шнем, тогда́ всех челове́к дела́ облича́тся; го́ре та́мо бу́дет грѣшным, в му́ку отсыла́емым; и то ве́дущи, ду́ше моя́, пока́йся от злых дел тво́их.

Праведницы возрадуются, а грешнии восплачутся, тогда никтоже возможет помощи нам, но дела наша осудят нас; темже прежде конца покайся от злых дел твоих.

Слава: Увы мне великогрешному, иже делы и мыслями осквернився, ни капли слез имею от жестосердия; ныне возникни от земли, душе моя, и покайся от злых дел твоих.

И ныне: Се, взывает, Госпоже, Сын Твой, и поучает нас на доброе, аз же грешный добра всегда бегая; но Ты, Милостивая, помилуй мя, да покаюся от злых моих дел.

Седален, глас 6

Помышляю день страшный и плачуся деяний моих лукавых: како отвецаю Безсмертному Царю, или коим дерзновением воззрю на Судию, блудный аз? Благоутробный Отче, Сыне Единородный и Душе Святыи, помилуй мя.

Слава, и ныне: Богородицен

Связан многими ныне пленницами грехов и содержишь люботыми страстьми и бедами, к Тебе прибегаю, моему спасению, и вопию: помози ми, Дево, Мати Божия.

Песнь 4

Христос моя сила, Бог и Господь, честная Церковь боголепно поет, взываючи от смысла чиста, о Господе прызд-

нующи.

Широкъ путь зде и угóдный сла́сти творити, но горько бѹдетъ в послѣдний день, егда́ душа́ от тѣла разлуча́тися бѹдетъ: блюди́ся от сих, челове́че, Ца́рствія ра́ди Бо́жия.

Почто́ убо́гаго обидиши, мзду наёмничу удѣржуеши, брата́ твоего́ не любиши, блуд и гордость гóниши? Оста́ви убо́ сия́, душе́ моя́, и пока́йся Ца́рствія ра́ди Бо́жия.

Слава: О безумный челове́че, доколе углеба́еши, я́ко пчела́, собира́ющи богатство́ твое́? Вскóре бо погѣбнет, я́ко прах и пѣпел: но бо́лее взыщи́ Ца́рствія Бо́жия.

И ныне: Госпоже́ Богородице, помилуй́ мя грѣшнаго, и в добродѣтели укрепѣй, и соблюди́ мя, да на́глая смерть не похѣтитъ мя негото́ваго; и доведи́ мя, Де́во, Ца́рствія Бо́жия.

Песнь 5

Бо́жшим свѣтомъ Твоѣмъ, Бла́же, ѹтренюющихъ Ти дѹши лю́бовию озари́, молю́ся, Тя ве́дети, Сло́ве Бо́жий, ѹстиннаго Бо́га, от мра́ка грѣхóвнаго взыва́юща.

Вспомяни́, ока́янный челове́че, ка́ко лжамъ, клеветамъ, разбо́ю, немо́щем, лю́тым зверѣмъ, грѣхóв ра́ди порабо́щен еси́; душе́ моя́ грѣшная, тогó ли восхотѣла еси́?

Трепещутъ ми ѹди, все́ми бо сотвори́х винѹ: очѣма визи́рай, ушѣма слы́шай, язы́комъ зла́я глаго́ляй, всегó себѣ ге́енне преда́й; душе́ моя́ грѣшная, сегó ли восхотѣла еси́?

Слава: Блудника́ и разбо́йника ка́ющася при́ял еси́, Спа́се,

аз же едѣн лѣностию грехѡвною отягчѣхся и злым делѡм порабѡтихся; душѣ моя грѣшная, сегѡ ли восхотѣла еси?

И нынѣ: Дѣвнѣя и скѡрая помѡщнице всем челѡвѣком, Мѣти Бѡжия, помози мнѣ недостѡйному, душѣ бо моя грѣшная тогѡ восхотѣ.

Песнь 6

Житѣйское мѡре, воздвизѣемое зря напѡстей бѣрею, к тихѡму пристѡнищу Твоемѹ притѣк, вопиѡ Ти: возведи от тли живѡт мой, Многомѣлостиве.

Житиѣ на землѣ блѣдно пожѣх и дѹшу во тьму предах, нынѣ ѹбо молю Тя, Мѣлостивый Владыко: свободи мя от рабѡты сеѣ вражия, и даждь ми рѡзум творѣти волю Твою.

Кто творѣт таковѣя, якоже аз? Якоже бо свиния лежит в калѹ, тако и аз грехѹ служѹ. Но Ты, Гѡсподи, истѡргни мя от гнѹса сегѡ и даждь ми сѣрдце творѣти заповѣди Твоѣя.

Слава: Воспряни, окаѣнный челѡвѣче, к Бѡгу, воспоминаѹв своя согрѣшѣния, припадаѣя ко Творцѹ, слезѣ и стѣнѣ; Той же, яко мѣлосѣрд, даст ти ум знѣти волю Своѹ.

И нынѣ: Богорѡдице Дѣво, от видимаго и невидимаго зла сохрани мя, Пречѣстая, и приими молитвы моя, и донеси я Сѣну Твоемѹ, да даст ми ум творѣти волю Егѡ.

Кондак

Душе́ моя, почто́ греха́ми богатееши, почто́ волю́ диаволю твори́ши, в чесо́м наде́жду полага́еши? Преста́ни от сих и обрати́ся к Бо́гу с пла́чем, зову́щи: милосе́рде Го́споди, поми́луй мя грешнаго.

Икос

Помы́сли, душе́ моя, го́рький час сме́рти и Стра́шный Суд Творца́ Твоего́ и Бо́га: Ангели бо гро́знии по́ймут тя, душе́, и в ве́чный огнь введу́т: у́бо пре́жде сме́рти пока́йся, вопию́щи: Го́споди, поми́луй мя грешнаго.

Песнь 7

Росода́тельну́ у́бо пещь соде́ла Ангел преподо́бным отро́ком, халде́и же опаля́ющее велéние Бо́жие, мучи́теля увещá вопи́ти: благословéн еси

Конец ознакомительного фрагмента.

Текст предоставлен ООО «ЛитРес».

Прочитайте эту книгу целиком, [купив полную легальную версию](#) на ЛитРес.

Безопасно оплатить книгу можно банковской картой Visa, MasterCard, Maestro, со счета мобильного телефона, с платежного терминала, в салоне МТС или Связной, через PayPal, WebMoney, Яндекс.Деньги, QIWI Кошелек, бонусными картами или другим удобным Вам способом.